

432
7

胎產集要

同治辛未重刊

胎產集要

板存懷永堂如有樂善印施即
向常熟縣南街毛文彬刻字店
刷印言定每部工料錢拾文

胎產之道易事也而或苦其難生機也而或瀕於死
是欲免於難以成其易遠於死以安其生則保護之
調劑之不可無其術矣鶴湘黃君所輯胎產集要三
卷幼科撮要一卷其書本達生編而附益之胎前產
後及一切難產之症皆有治之之法可謂詳且備矣
北方本無是刻余師鷺客先生自吳中攜以入都
余閱而愛之問之則南方刊板已漫漶而無存余惜
其法之備而傳未廣也將浸久而并失其傳也且憂

人之無以成其易安其生也因請於師復付剗劂以
廣其傳庶幾家置一編猝遇難產之症可以有恃而
無恐則亦仁術之一助也云爾

道光十有九年冬十月宗室惠林識

胎產集要上卷

增訂達生編

保產機要總論

贊育編難產七因

一因安逸

一因奉養

一因淫慾

一因憂疑

一因嬌怯

一因倉皇

一因乏力

胎產護生篇胎前禁忌

一忌食諸物有毒傷胎

一忌洗浴

達生編保胎

孕婦禁忌

懷孕八九月忽然聲啞

胎前節養六條

一除惱怒

二禁房勞

三戒生冷

四慎寒溫

五服藥餌

六宜靜養

保產機要受胎保護

達生編小產當慎

經驗胎養良方

竹茹湯治惡阻

清燥湯治便難

固真飲治白帶

安胎飲治血嗽

安胎丸

繡閣保生書懷妊一月安胎飲大安胎飲

懷妊二月陳皮大半夏湯

懷妊三月抑青丸

懷妊四月安胎和氣飲

懷妊五月養胎飲

懷妊六月大安胎如勝飲

懷妊七月清胎萬全飲

懷妊八月束胎調氣飲

懷妊九月順胎和氣飲

懷妊十月滑胎飲猪肚方

醫方考胎前要法

條苓白朮考

砂仁葱白湯治腹痛

犀角散治子煩

四物加連夏湯治子癇

紫蘇飲治胎上逼心

膠艾湯治胎漏

冬葵子湯治子淋

木通散治子腫

三合湯治轉胞

束胎飲

達生散

催生諸藥考

黑神散

藥食忌


胎前上卷

保產機要總論

鶴湖黃惕齋輯

湯處士

婦人胎產造化自然之理本古今常事時至則生不必驚疑而人人不免驚疑者爲未明乎自然之理也造化原不令人難生人多不善調攝因而難生造化原不令人逆生人多倉皇無主因而逆生或難或逆性命攸關可不慎歟至於穩婆產時不可不用亦不可輕易聽從蓋此輩無書傳授偏執已見胡做亂爲往往誤事尤爲夫君者宜於平日家中講談令婦女熟聞懷孕知調攝



臨產有主張并誠穩婆安靜以待之自無難逆之患以
懷孕後論雖未能如古人胎教但所當禁忌者亦宜省
悟以臨產時論胎至十個月形完氣充手足必動子動
母腹必痛痛急胞衣必破胞破子必出胞而下若不任
其自然見其腹痛半日一日不產便欲用藥催生不知
胞衣未破子猶未出胞衣一催之間爲害非小所以臨
產切不可驚疑卽或兩三四五日不下須要寬心忍痛
任其自然分娩

贊育編難產七因

一因安逸婦人懷胎血以養之氣以護之宜常時行動

令氣血周流。胞胎舒展。若久坐久臥。氣血凝滯。則必難產。常見田家勞苦之婦。其產甚易。可證也。

一因奉養胎之肥瘦。氣通於母。恣食厚味。多致胎肥。難產。常見貧家婦。容易生產。可證也。故產母調攝。須以白飯香蔬。畧用肉食爲妙。

一因淫慾。古者婦人有孕。卽居側室。不共夫寢。若有孕而犯之。三月以前。常致胎動小產。三月以後。一則胞衣太厚而難產。二則子身有白濁物而不壽。三則多患瘡毒。出痘細密難起。以致死亡。皆由父母慾火所

一結耳。

月產集要
一因憂疑今人不講生產之理或問禍福於鬼神或用
禱求於卜筮或里中有產厄者孕婦聞之則懼懼則
氣怯故亦難產

一因嬌怯如少婦初產子戶未開即便腰曲不伸展轉
傾側以致兒不得出又中年婦人生育既多氣血虛
損產亦艱難須胎前服補氣養血之藥調理康健則
臨產無虞婦人稟體素弱者亦同此例

一因倉皇將產之際有等愚蠢穩婆不審正產與轉胎
但見腹痛遽令努力催生產婦聽從以致橫生倒生
子母有傷

一因乏力臨產用力太早及兒欲出母力已乏停住艱
難服人參湯接力卽產若兒已下地產婦切不可

服參用童便最妙

胎產護生篇胎前禁忌

一忌食諸物有毒傷胎

牛 犬 羊 驢 馬 兔 鱧 蟹 黑魚

鯉魚 鱗魚 無鱗魚 雞肉 鷄子 鴨子

雀肉 水雞 豬頭 豬脚 豬心 豬腦 肝腸

諸血 胡椒 子薑 葱 蒜 茨菰 香菌

苡仁 梅子 杏子 地栗 茄子 萵苣 冰漿

漿水粥 生冷油麵等物 荳醬不可與藿同食

一忌洗浴

不可洗頭不可洗足不可洗身臨月尤宜禁戒關係
非小

達生編保胎

吳琢峯

婦人懷孕夜睡須左右轉換不可偏睡一邊使小兒亦
左舒右展肢體活動臨產自然快便矣

飲食宜淡泊不宜濃厚宜清虛不宜重濁宜和平不宜
辛熱但富貴之家肥甘悅口抑令崇儉勢必不能酌
其所宜開列於後

胎前節養六條

每見產後絕症隨產隨脫無計可施有一種氣虛欲脫
瘀血猶滯於中汗出神昏上吐下瀉或面青肢冷或氣
喘直視危急異常因於瘀滯者用川芎當歸各叁錢桃
仁去皮尖拾貳粒甘草伍分炮姜灰壹錢名生化湯或
芎歸湯先通其瘀卽補其原因於虛脫者用獨參湯冲
童便或參附湯先保其原再和其血又有一種元氣又
真虛瘀血又壅滯欲補其原瘀卽上攻欲消其瘀原卽
隨脫雖有攻補兼施之法如人參蘇木飲人參生化湯
之類亦未見効此名絕症只因胎前失於檢點及至臨

益欲救不能追悔何及謹列胎前節養六條預爲調理
指引孕婦皆登壽域

一除惱怒 凡受胎後切不可打罵人蓋氣調則胎
安氣逆則胎病惱怒則否塞不順肝氣上冲則嘔吐
衄血脾肺受傷肝氣下注則血崩帶下滑胎小產欲
生好子者必須先養其氣氣得其養則生子性情和
順有孝友之心無乖戾之習所謂和氣致祥一門有
慶無不由胎教得之

二禁房勞 保產以絕慾爲第一要事試觀猫犬至
微尙知有孕不復交合何況人爲萬物之靈豈反不

如猫犬所以婦人懷孕只宜分床獨宿清心靜養則
臨盆易生易育得子少病而多壽倘或房勞不慎必
致陰虛火旺半產滑胎可不謹歟

三戒生冷 胎前喜食生冷只因懷孕以後多惱多
氣不慎房勞以致火旺口渴殊不知生冷等物豈能
退血分之熱徒使脾胃受傷瘧疾痢疾嘔吐泄瀉諸
病皆由此起病則消耗精液口渴愈甚惟戒惱怒慎
房勞服健脾補血之藥調理本原可保平復否則臨
產之虛脫產後之絕症斷不免也

四慎寒溫 胎前感冒外邪或染傷寒時症鬱熱不

解小產墮胎攸關性命要知起居飲食最宜調和夏
不登樓宜著地氣夜不露坐宜煖背腹古人有言不
受寒自不發熱不傷風自不咳嗽此爲胎前緊要關
頭

五服藥餌胎前產後藥能起死回生有等不明醫
道者訛言胎產不必服藥迷亂世人意見以致失於
調補雖有十分苦楚惟株守含忍勉強臨盆諸症蜂
起若知接養之方則不惑於醫藥隨時調補母子安
全太平無事

六宜靜養胎前靜養乃第一妙法不校是非則氣

不傷矣。不爭得失，則神不勞矣。心無嫉妬，則血自充矣。情無淫蕩，則精自足矣。安閒靜養，卽是胎教。紹宗祧之重，承舅姑之歡，叶琴瑟之和，衍螽斯之慶，所以古人必先靜養無子者，遵之卽能懷孕；懷孕者，遵之卽易生育。靜養所關，豈不大哉。

保產機要受胎保護

一受胎後不可看戲及鬼怪形像

一受胎後不可升高處恐傾跌有損亦不可舉手向高處取物恐傷胎而子鳴腹中如鐘聲亦有治法但令曲身片時卽安蓋胞內有疙瘩兒含口中因母舉手

向高處脫出兒口。是以啼也。又法散錢於地。令母拾取亦效。

一受胎後三五箇月。常要緊束其身。勿令胎放。

一受胎六七箇月。或八九箇月。胎忽亂動。兩三日間。或痛或止。或有水下。但腰不甚痛。胎未離經。名曰弄胎。又曰試胎。胎水有無。俱不妨。但直身坐臥。行立不可驚憂逼迫。以致悞事。二者俱非正產。必因觸犯致此。

達生編小產當慎

三月五月而墮者。爲小產。七月而墮者。爲半產。

小產者。因胎臟損傷。胞繫腐爛。以致墮胎。比之大產。

更重視爲輕忽而殞命者有之。必須倍加將息。宜服補血養氣生新去瘀之劑。世有服墮胎藥者。害莫大焉。

大抵半產者。除跌撲損傷外。有無故而忽墮者。多在三五七月。若前次受胎。此月曾墮者。後至此月。必復應期而墮。蓋三月乃手厥陰心包絡所養。五月乃足太陰脾經所養。七月乃手太陰肺經所養。心包絡名相火。內屬於心。代君火行事。其經多血少氣。若悲哀思慮驚動。而神氣內虛。則墮。

脾爲五臟之本。生化之源。其經多氣少血。若飲食失

宜起居不慎脾土受傷不能化血養胎則墮

肺主一身之氣所以流行血脈舉載胎元是經亦多
氣少血若大勞大哭頻沐頻浴多犯寒涼氣血虧
損不能內固則墮凡此三經關係最大此月經
虛不能任養而墮後至此月經益虛故復墮必須
用對症之藥先期半月服十餘劑調補防過此月
則胎自固矣三月前用芎歸補中湯或茯神湯五
月前用安中湯或五味異功散加芎歸麥冬阿膠
如吐嘔用六君子加砂仁山藥扁豆生薑大棗七
月前用補中益氣湯倍加當歸川芎砂仁棗仁薑

棗如有別症更加斟酌此月防過尤宜慎之

經驗胎養良方

懷孕五十日四肢軟倦背惡寒眩暈惡心嘔吐痰涎思

食酸物為惡阻之症宜用竹茹湯五六劑

熟半夏

陳皮

蘇梗

廣藿

條苓

焙

枳殼

炒

白芍

各壹錢
酒炒

白苓

壹錢
伍分

加青竹茹叁分河水

煎

如火旺吐甚者加酒炒川連

伍分

黑山梔

壹錢

麥冬

貳錢
去心

胃虛者加白朮

壹錢
土炒

金石薺

貳錢

氣

滯者加香附

叁錢
酒炒

懷孕六七十日大便燥結腹滿努力難解無故悲泣謂

之臟燥宜用清燥湯六七劑

歸身

白芍

酒炒

瓜蒌仁

各壹錢伍分炒研

生地

麥

冬心去

麻仁

各貳錢炒

甘草

肆分

枳殼

麩炒

條苓

各壹錢

加松子仁

叁錢

河水煎調白蜜十匙服

懷孕三四月內熱體倦腰腿酸痛白帶淋漓小便頻數

飲食少思謂之子淋宜服固真飲

白朮

土炒

條苓

續斷

鹽水炒

白蓮鬚

芡實

廣

皮

各壹錢

杜仲

鹽水炒

山藥

各壹錢伍分

麥冬

貳錢去心

加建蓮

伍枚不去心打碎

天泉煎

壹錢

白芍

伍錢

懷孕四五月咳嗽惡心煩熱胎動不安或痰血或鼻衄

皆因火旺上冲肺經謂之子嗽宜用安胎飲六七劑

生地 叁錢

歸身

麥冬

各壹錢伍分去心

白芍

貳錢酒炒

真阿膠

杜仲

鹽水炒

續斷

鹽水炒

條芩

焙

枳殼

各壹錢炒

加炒砂仁末

叁分

河水煎

懷孕三月惡心懶倦已退臟燥已潤宜服四五六七八

逐月安胎丸一料和中保胎養血調氣健脾進食功

效無比

生地

肆兩加砂仁末壹兩水酒煮爛杵

歸身

酒洗蒸

白芍

酒炒

於木

各叁兩米泔浸切片飯上蒸晒五次土拌炒焦

陳皮

條芩

酒炒

川斷

鹽水炒

杜仲

鹽水炒斷絲

麥冬

各貳兩去心水浸搗

共搗烘乾磨末煉

蜜為丸每朝砂仁湯送下。參肆錢。如脾虛多瀉者。

加山藥

免絲餅

各參兩

如元氣大虛者加人參

貳兩

如血虛者加真阿膠

貳兩

繡閣保生書保產良方

懷妊一月不須服藥如有不安即當調治宜服安胎飲

白朮

貳錢微炒
養胃清痰

條芩

壹錢伍分微炒清
胎中熱降火消痰

水一鍾

煎服或為細末以清米湯調服一匙。如血不足加

歸身

壹錢
伍分

大安胎飲

當歸

貳錢

人參

甘草

炙

荆芥穗

各伍分

桑寄生

砂仁炒不
去殼

川芎煨

白朮煨

白芍酒
炒

續斷

鹽水炒

條芩炒

熟地各壹錢
酒洗

水煎服

如覺氣

不順而喘加蘇梗壹錢

懷妊二月胎氣始盛逆動胃氣惡阻嘔吐飲食少進用

陳皮大半夏湯

陳皮去白鹽
水拌晒

茯苓各壹錢

子芩以薑
汁炒

枳殼麩
炒

紫蘇各捌分

甘草伍分

製半夏貳錢
伍分

薑片壹

水

鍾半煎七分食遠服

懷妊三月惡阻不止飲食少進前方為主煎湯下抑清

丸

川黃連薑汁炒 研末米糊為丸如棗豆大不拘多

少服之

懷妊四月如覺倦臥不安或口苦頭痛脚弱及腫急服

安胎和氣飲

歸身酒洗 白朮各壹錢伍分土炒 白芍壹錢炒 陳皮貳錢去白

黃芩炒 茯苓 香附各捌分鹽水炒 甘草炙 川芎

各伍分 水煎服熱多加山梔壹錢

懷妊五月覺胎長腹重睡臥不寧服養胎飲

白朮壹錢伍分炒 白芍酒炒 歸身酒洗 澤瀉各壹錢 川

芎 黃芩炒 枳殼各捌分麩炒 甘草肆分炙 水煎服

懷妊六月或腹痛或脹悶或胎動不安服大安胎如勝

飲

當歸錢貳

白朮壹錢伍分

茯苓

子芩

白芍

酒炒

砂

仁炒去衣

桑寄生各壹錢

甘草

伍分

水煎服

懷妊七月覺胎氣不安或損傷漏血或腹大重墜急服

清胎萬全散

當歸 白朮炒

續斷各壹錢伍分

子芩酒炒

白芍

酒炒 熟地酒洗

桑寄生

真阿膠

各壹錢 蛤粉炒

茯苓

荆芥各捌分

甘草五分

水煎服

懷妊八月覺胎氣不安氣逆氣喘不問有無外感宜服

束胎調氣飲七八日一服。

陳皮貳錢 子苓壹錢伍分 枳殼炒麩 蘇梗 白苓 白

木各壹錢炒 甘草叁分 水煎服

懷妊九月雖無他症亦宜順氣和中扶脾安胃使無難

產之患宜服順胎和氣飲八日一服。

當歸貳錢 白朮壹錢伍分炒 子苓 滑石研 蘇梗

新會皮 白芍各壹錢酒炒 大腹皮捌分豆汁浸水洗四次淨 水

煎服

懷妊十月宜服滑胎飲二三日一服。

當歸壹錢伍分 白芍貳錢酒炒 川芎陸分 白朮炒 陳皮

香附 各壹錢

黃芩 炒

蘇梗 各伍分

甘草 叁分

水

煎服氣虛者加人參 壹錢

胎肥者加枳殼 壹錢炒

猪膳方

人參 壹錢

蓮肉 壹兩去心

白藪豆 貳兩去皮

用雄猪膳一

個洗淨將人參等裝入用線紮口將大砂鍋一箇用碎碗片鋪底防著鍋煮焦之患扣水慢火燉熟孕婦七八個月每月吃二三個連湯藥吃完大補脾胃精神健旺可免崩暈諸症

醫方考胎前要法

黃芩白朮考

白朮益脾能培萬物之母黃芩瀉火能滋子戶之陰

故曰安胎聖藥

砂仁葱白湯

砂仁

壹錢炒去衣研末

連鬚葱白

參根

煎湯服

妊娠腹

痛此方主之腹痛者氣血澁滯不通之故用砂仁順氣於下葱白順氣於中氣行血利其痛自止倘別有他故而痛者宜隨症以治之

犀角散

犀角

伍分

地骨皮

麥冬

各貳錢去心

赤茯苓

壹錢伍分

條芩

壹錢

甘草

伍分

子煩者懷妊而煩悶也此方

主之煩悶者。因心肺有熱也。用犀角涼心。骨皮退熱。條芩瀉火。麥冬清金。茯神導赤。甘草和中。

四物加芩連姜夏湯

當歸錢貳

川芎分陸

熟地錢叁

白芍酒炒

黃芩各壹錢伍

黃連伍分

半夏壹錢

生薑壹片

子癩者懷孕

而癩仆也。由陰虛火亢。痰氣厥逆。故令暈倒。作羊犬之聲。方用四物以養血。芩連以降火。姜夏以破逆。

紫蘇飲

蘇梗

人參

陳皮各壹錢

去白

大腹皮豆汁浸水

洗四次淨

當歸各貳錢

川芎捌分

甘草伍分

白芍壹錢伍分

酒炒

子

懸者胎氣不和湊上心腹腹滿閉悶氣塞欲死此因
下焦氣實大氣舉胎上逼於心故以蘇梗腹皮陳皮
川芎流其氣當歸芍藥利其血氣流血利則胎自安
科矣又用人參甘草者邪之所湊其氣必虛流氣之
藥推其陳補氣之藥致其新耳

膠艾湯

熟地

貳錢

艾葉

當歸

各壹錢

川芎

甘草

炙

真

阿膠

各伍分蛤粉炒成珠

黃芪

貳分伍厘

胎漏者懷胎而點滴

下血也此係陰虛不足以濟火氣虛不足以固血故
有此症方用阿膠熟地當歸川芎益血藥也黃芪甘

草艾葉固氣藥也。血以養之，氣以固之。止漏安胎之道畢矣。

冬葵子湯

冬葵子

貳錢 畧炒

柴胡

伍分 炒

桑白皮

炒

白茯苓

歸身

各壹錢 伍分

白芍

壹錢 酒炒

子淋本於濕熱。此方滑

以去著，故用冬葵子。清升則濁自降，故用柴胡。氣化則便自出，故用桑皮。辛利則能潤竅，故用當歸。茯苓藥取其入血而利丙丁也。又方單用地膚子四兩水煎，分作三次服，能祛濕熱，此亦良方也。

木通散

木通

蘇葉

香茅

桑白皮

枳殼

炒

檳榔

條芩

各伍分

訶子皮

木香

各叁分

妊婦氣

血失調營衛澁滯故令身體浮腫四肢脹急而小便

不利也此方紫蘇流氣于表桑皮枳殼木香木通檳

榔流氣於裏香茅木流氣中之濕條芩流氣中之熱

訶子流氣中之液服藥之後營衛流行氣血健運則

浮腫諸疾可得而愈矣

三合湯探吐法

人參

壹錢

白朮

土炒

白芍

各壹錢

茯苓

伍錢

生地

壹錢

當歸

各貳錢

川芎

捌分

半夏

壹錢

陳皮

各壹錢

甘草

伍分 妊娠轉胞不得小便者此方主之 胞非轉也

由孕婦中氣怯弱不能舉胎胎壓其胞故小便不通

耳方用二陳四物四君子三方合煎服而探吐之所

以升提其氣上竅通而下竅自利也

束胎飲

白朮 貳兩 炒

茯神 柒錢 伍分

陳皮

黃芩

各壹兩

妊娠

七八月服此胎氣斂束令人易產凡患難產者多

由內熱灼其胞液以致臨盆之時乾澀難產或脾氣

怯弱不能運化精微而令胞液不足亦難產之道也

故用白朮茯神益其脾土而培萬物之母黃芩清其

胎熱瀉火而存胞液陳皮取其辛利能流動中氣化其肥甘使胎氣不滯兒身弗肥此束胎之義也

達生散

大腹皮

參錢豆汁浸水洗四次淨晒乾

人參

陳皮

紫蘇

歸

身白芍

酒炒

白朮

各壹錢

甘草

伍分

葱

壹根

黃

楊樹頭

柒枚

春加川芎

夏加黃芩

秋冬加砂仁

枳殼

妊娠臨月服之易產

達小羊也羊子易

生而無留難故名達生難產之故多是氣血虛弱營衛澁滯使然此方人參白朮甘草益其氣當歸芍藥益其血紫蘇大腹陳皮流其滯氣血不虛不滯則其

產子猶達生矣。

催生諸藥考

生不必催也。催之非但無益而反害之矣。古方有用
兔腦者。有用豬脂者。有用油蜜葱白者。有用冬葵子
者。有用牛乳榆皮滑石者。有用金鳳子者。又有用弩
牙灰者。有用石榴枝者。有用筆頭灰者。有用百草霜
者。有用伏龍肝者。有用鑿頭灰者。有用握石燕者。有用
蓖麻子貼於足心者。用之不驗。徒增繁擾。噫。平時失
於調理。臨產艱難。頻以雜藥催之。皆惑也。

黑神散

熟地 當歸

白芍 各貳兩 酒炒

蒲黃 壹兩 炒

乾姜 炒 黑

桂心 各伍 錢

甘草 叁錢 炙

黑豆 貳合半 炒去皮

共為細末

末每服貳錢童便和酒調下 胎死腹中此方主之

胎死者難產多日而胎死也視產婦舌色青黑為驗

方用蒲黃逐敗血熟地芍藥當歸養新血乾姜肉桂

引新血去敗血甘草黑豆調正氣除戾氣並治胞衣

不下產難血暈餘血奔心兒枕疼痛乍見鬼神等症

此皆瘀血為患故並治之

懷孕食忌

食雞子糯米令子生寸白蟲 食羊肝令子多疾 食

鯉魚令子成疝 食犬肉令子無聲 食兔肉令子缺

唇 食鱉令子項短 食鴨子令子心寒 食螃蟹多

致橫生 食雀肉令子好淫 食豆醬令子發哮 食

野獸肉令子多怪疾 食生薑令子多指 食水雞鱉

魚令子生癩 食騾馬肉延月難產

懷孕藥忌

烏頭附子與天雄 牛黃巴豆並桃仁 芒硝大黃牡

丹桂 牛膝藜蘆茅茜根 槐角紅花朴皂角 三稜

用產身要
莪朮薏苡仁 乾漆藺茹瞿麥穗 半夏南星通草同

乾薑大蒜馬刀豆 延胡常山麝莫聞 此係婦人

胎前忌 常須記念在心胸

右藥皆在禁例餘如斑蝥水蛭蛇蛻蜈蚣水銀信砒

等類非恒用之品姑置不論

考昔人安胎止嘔有用半夏者娠孕熱病有用大黃

娠孕中寒有用乾薑桂附者乃非常危證必醫者具

十二分識力十二分膽氣庶可權宜暫用此岐伯所

謂有故無殞亦無殞也之旨切勿輕率妄施草營生

命慎之慎之

胎產集要中卷

增訂達生編

臨產六字真言

橫生

倒生

偏產

礙產

坐產

盤腸產

凍產

熱產

驚產

胞破產難

血滯產難

臨產暈絕

交骨不開

胎死腹中

胞衣不下

臨產宜忌

紫酒

保產無憂方

佛手散

加味芎歸湯

又加味芎歸湯

催生神柞飲

又方急救交骨不開

保胎神效方

千金牡丹方

催生神驗方

臨期中卷

鶴湖黃惕齋輯

達生編

六字真言

睡

忍痛

慢臨盆

初覺腹痛自己先立定主意生育乃自然之理天地

間極容易事不必驚慌但看痛一陣不住連痛三

五七陣漸痛漸緊知是大產方與人說知以便伺

候若痛得慢此爲試胎且自安眠穩食寬心靜養

此時是最要緊關頭不可認錯如兒身未轉胞漿

未破即便坐草臨盆豈不有悞慎之慎之

臨期第一要忍痛。不問試胎與正產，忍住痛照常眠食。痛陣漸急，自然易生。看其緊慢，方辨得清。千萬不可輕易臨盆。至囑至囑，或問忍痛過久，恐有不妙。曰：最妙。從未聞有私胎而難產者。蓋私胎怕人知覺，只得極力忍痛。忍到沒奈何時，子自脫然而下。此理甚明，有何疑慮。

將產時須要調養心神，愛惜力氣。若能上床閉目安睡片時，最好。若不能睡，暫時起身，或扶人緩行，或扶桌站立，痛若稍緩，又上床安睡。總以睡爲第一妙法。但宜仰睡，使腹中寬舒，小兒易於轉動。且大

人睡下小兒亦睡下轉身更不費力。

將產時切不可輕易臨盆倘若聽信穩婆說孩兒頭已在此以致用力太早誤盡大事此乃天地自然之理若當其時小兒自會鑽出何須著急從來瓜熟蒂落水到渠成自然而成不待勉強及至生下卽產母亦不知其所以然也。

或謂大便亦須用力如何生產不須用力要知大便
是呆物必須人力小兒自會運動不但不必用力
却又切忌用力蓋小兒在母腹中要聽其慢慢轉
身尋到產門頭向下脚向上倒懸而出若小兒未

會轉身用力一逼則腳先出。轉身未定時用力一逼則橫臥腹中。一手先出。卽或轉身向下。生路未正。用力畧早。亦偏在一邊。不得出。種種弊病。皆是時候未到。誤於用力之故。卽如大便未到。糞門。縱然用力。亦不能出。而况於生產乎。

或問如何方是用力之時。答曰。若小兒逼到產門。則產母交骨分開。胸中陷下。腰腹重墜。異常大小便一齊俱急。目中金花亂閃。真其時矣。當於此時用力一迸。小兒誕生。便稱恭喜矣。

或曰。早一時斷不可動矣。不知遲了一時。可不妨否。

答曰不妨。若果當其時，必無不出之理。卽或有不
出者，此是小兒力乏，不能卽出，但令產婦上床安
睡，使小兒在腹中亦得安睡，歇力片刻，自然生矣。
或問臨期有經驗丸丹，亦可用否？曰：不用。大凡生產
自有時候，時至自生，何消用藥。未到時候，切不可
早用催藥，強其速生，使兒不能轉胞，反致橫生，倒
生。如欲服藥，須待腰腹痛急，胞水與血俱下，真正
是將產時候，始可用藥。順勢推之藥，亦只須用加
味芎歸湯、佛手散，益胎前要血，足血一足，如舟得
水，何患不行？特恐產母血少，又或胞漿早破，以致

月產集要
乾澁耳。今二方俱大用芎歸。使宿血頓去。新血驟
生。隨手見效。且使產時快便。則產後無病。其餘耗
氣損血等藥。雖極靈應。總之無益。昔陳氏妻生
產九日不下。僅存一息。叩醫求免。腦丸問之曰。頭
逼產門。不得出。醫令安臥。卽與加味芎歸湯。明日
生下。母子兩全。設與催藥。反或有悞。按此係產母
用力太早。逼令橫在腹中耳。豈有倒懸十日而尙
得生者乎。

或曰。穩婆總究該用否。曰。既有此輩。亦不可不用。但
要全憑自家作主。不可聽命於彼耳。大抵此等人

多愚蠢不明道理。一進門來不問遲早，便令坐草用力，必定說孩兒頭已在此，或揉腰擦肚，或手入產門探摸，多致損命。更有狡惡之輩，不肯安靜，故作哎訝之聲，以逞其能，欲索重謝，以致產母驚疑，害尤不可言矣。按吳越間謂之穩婆，江淮間謂之收生婆，徽寧間謂之接生婆，因其年老慣熟，使之接兒落地，收兒上床耳。原非要他動手也。每見富貴之家，預將穩婆留住，及到臨時，稍不快便，前門後戶，引到無數，紛紛攘攘，鬧成一片。所謂天下本無事，庸人自擾之。昔張氏妻年輕體壯，每孕必

八個月而產。每產必數日。而下生女。必過而歿。一
醫曰。日後臨產。可相聞。明年又八個月而產。三日
不下。僅存殘喘。忽憶醫言。飛輿相召。診之。脉未離
經。穩婆在旁曰。兒頭已抵產門。不得出耳。醫急令
安臥。且戒勿擾。與安胎藥。明晨主人出謝。醫曰。夜
來若何。主人曰。想是試胎。今已安好。後百二十日。
計十二月足生男。且少病。多壽。始知從前皆生生
取出。因產婦體壯。年輕。幸得保全性命耳。
或曰。催藥不可亂投。穩婆不可輕信。已問教矣。若先
時誤於用力。以致橫生倒產。奈何。曰。急令安睡。用

大劑加味芎歸湯服之。畧用手法自然生矣。

橫生者，因兒身方轉，產母用力太早，以致兒身未順，先露手臂。但令母仰臥穩婆以手徐推兒臂，令上復以中指摸其肩，勿使臍帶糾繫，待兒身轉頭正，卽生。倒生者，因兒未及轉身，產母努力一迸，故先露足，亦令母仰臥穩婆以手徐推足入，靜候片時，俟兒身轉正，近門卽生。但見兒手足，畧有出意，卽令母寬心仰臥，輕輕送入，勿令多出，蓋出少則易入，未久則易入，如出多而久，則手足青硬，子必受傷，難以扶入，又切不可聽克惡穩婆用刀斷兒手足，手足一斷則必亂。

攪腹中兩命俱傷矣。昔一產婦兒手出不得入穩婆礪刃以須醫見而惻然急令安臥與大劑芎歸湯徐徐托之手入明早生下母子皆安右臂紫黑數月始消。有以鹽半分塗小兒手心以香油抹之輕輕推入蓋鹽主收縮且螫人痛兒手得鹽痛則縮進自然轉身生下足先出者亦如之。

偏產者因兒生路未正被母用力一逼兒偏在左右不得下令母仰臥穩婆輕手扶兒頭頂中正卽生。又有兒頂後骨偏住穀道旁露其額者穩婆以綿衣烘溫裹手於穀道外邊輕輕推兒頭令正卽生。

礙產者因兒轉身時母用力太早臍帶絆其肩也令母
仰臥穩婆輕輕推兒向上以中指輕按兒肩撥下臍
帶候兒正順卽生。

四種難產總由產母曲腰坐臥用力太早所致四
種手法必歷練有分曉者方可用之切勿輕試。

坐產者因兒將產其母疲倦久坐椅褥抵其生路須用
手巾一條拴繫高處令母以手攀之輕輕屈足作坐
狀產戶舒開兒卽生下。

盤腸產者因產母平日氣虛及臨產時用力弩拵周身
氣血下注以致腸隨兒下一次如此下次路熟亦必

如此治法急以潔淨漆器盛之待兒胞衣俱下產母
仰臥自己吸氣上升穩婆以香油塗手徐徐送入

一法以生半夏爲末搐鼻中其腸自上又法以醋
半盞水七分調和喫產母面每喫一縮三喫盡收

又法濃煎黃芪湯浸之卽上

或問橫生倒產此皆用力太早之故世間亦有未曾
用力而多難產者何也答曰或因母體本弱血氣虛
損胎養不足或因母病傷寒之後熱毒傷胎亦或孕
後不戒房事以致慾火傷胎又或多食椒姜煎炒等
物熱毒傷胎以及跌撲損傷等症皆致產難藥用加

味芎歸湯佛手散復有凍產熱產驚產詳載於後

凍產者冬月嚴寒被衾單薄下部受凍以致血冷凝滯
骨骹產戶堅收兒不能卽生速以芎歸湯加炮姜或
肉桂與服一法以紫蘇煎湯薰洗大抵嚴寒時月
產久傷冷氣血必凝用薰洗之法甚妙坐草太早去
被良久常有此患慎之慎之

熱產者夏月酷暑產室人多熱氣逼蒸使產母熱傷氣
分頭疼面赤昏昏如醉氣乏不能產下六一散主之
驚產者或因少婦初次生產或因向來難產臨期恐懼
以致氣結不行兒不卽下紫蘇飲最妙或用紫蘇壹錢

當歸參錢長流水煎服名舒鬱湯

胞破難產

胞衣先破其故有二一因母弱氣血虛胞衣薄兒身轉

動隨觸而被一因兒身未轉坐草早用力狠以致胞

破胞破久水血乾產路澁兒難下急用大劑加味芎

歸湯加熟蜜壹兩助氣而兼滑胎自當順下又法

濃煎葱湯薰洗產戶卽下或以黃芪當歸觔許以大

釜煎之使藥氣充滿一室產母口鼻俱受其氣亦良

法也又有胞水先破被風所吹以致產戶腫脹乾澁

狹小者亦莫妙於濃煎葱湯薰洗再服加味芎歸湯

又有狡猾穩婆意欲害人私以手指搯破胞衣者
極要關防

血滯產難

臨期難產敗血凝滯不能生下者芎歸湯加牛膝瞿麥
服之卽產一醫宿客店值店婦生產數日不下下
體甚命急以椒橙茱萸等煎湯薰洗臍腹產門等處
氣溫血行遂產

產期未至不可令扶產人早抱腰恐兒難轉身
臨產暈絕

臨產兒未生下忽然暈絕者此因痛極氣悶急用生半

夏為末飯丸好豆大納鼻中即醒此扁鵲法

交骨不開

臨產交骨不開因元氣素弱胎前又失於調養以致氣

血不能運達而然也用加味芎歸湯無不立驗或神

柞飲

胎死腹中

臨產腹中胎死或觸損傷或犯禁忌或因胎氣薄弱不

成而殞至於臨盆太早胞漿先破胎血乾涸而死者

更多只宜佛手散加味芎歸湯服之自下若不下再

用當歸壹兩厚朴陳皮各貳錢酒水各半煎好加朴

稍壹錢能令化下極易如或不便服藥但令產母不要慌忙逼迫亦遲遲生下定不傷母慎勿亂用奇方并聽克惡穩婆致傷兩命

或問何以知其胎死曰面赤舌青母活子死面青舌赤口中沫出子活母亡面舌俱青口邊沫出子母俱死且死胎冷墜脹痛或爲嘔惡或穢氣上衝與好胎不同薛立齋云下死胎平胃散加朴硝最妙厚朴蒼朮陳皮各貳錢甘草伍分朴硝伍錢水煎服

胞衣不下

胞衣不下亦是臨盆太早之故當產時骨節開張壯者

數日而合。怯者。彌月而合。今不待其開。而強出之。故胎出而骨聾。隨閉。以致胞出不及耳。如遇此症。用佛手散。加牛膝。瞿麥。各貳錢。滑石壹錢。水煎服。自下。若敗血流入胞中。胞卽脹大。不得下。治之稍緩。脹滿腹中。上衝心。胞疼痛喘急。宜急斷臍帶。使其子血脉不潮入胞中。但此帶極脆。宜以軟絹裹之。用心拿定。然後斷之。否則胞上掩心。立至危殆。宜急服牛膝湯。或佛手散。逐去胞中敗血。卽時墜下。只要產母安心。自無患害。切不可輕信穩婆。妄用手法。多致死亡。兒既脫胞帶。必下墜。胞在腹中。形如仰葉。仰則盛聚血。

水脹礙難出。惟得老成有識穩婆以手指頂其胞底，使血不留聚。或以指摸上口，扳開一角，使惡露傾瀉，則中空自落矣。

其有氣血疲弱不能傳送而不出者，產母但覺乏力，別無脹痛。又當補氣助血，宜加味芎歸湯，不可亂投方藥。或將產母頭髮吊起，急以髮稍探母喉中，一嘔卽下。

臨產宜忌

臨產時只宜老成二三人安靜伺候，切不可多人。一切親族婦女勿令入房，若多一人卽多一時遲延。孝服

穢濁人尤當避忌。夏月更不宜多人熱氣擁盛能

令產母煩躁發暈其害非小。

穩婆只宜一人入房不可多喚反致混鬧有誤。凡用

穩婆須擇老成忠厚者預先囑託及至臨盆務必從

容寧靜。千金曰夜半覺痛日中則生可知時至自然

分娩不得用法催逼。

在房伺候者總宜安靜不可多言令產婦穩睡爲妙。

第一要勸其安心忍痛歇息切忌在房中大驚小怪交

頭接耳咨嗟嘆息及求神許愿皆能令產母憂疑擾

亂以致悞事。

最忌曲身眠臥。蓋產母畏痛，不肯直身行動，以致胎轉不順。將到產門，被母曲腰遮閉，再轉再閉，兒必無力而不能動。決定難產。人見其不動，卽謂胎死。實因無力非死也。此時在有妙藥，亦不能助兒有力而動。只要產母心安氣和，息養片時，自然生下。

切戒驚憂躁急。蓋驚則氣亂，憂則氣結，躁急則氣逆，惡血上冲，多致悶絕。

天時寒冷，產母衣裳宜厚，被褥宜溫，背心更宜和煖。房中宜多設火盆，辟除寒冷。否則氣血凝滯，兒難速下。盛暑之月，產室須要清涼。熱甚則產母頭疼面赤，必致

胎產身要
昏暈宜多貯井水以收熱氣須頻頻換之若遇疾風
陰雨又當謹避。

或有兒生不順與雙胎難出以及怪胎不必驚慌自然
生下總要穩婆多方安慰能不令產母聞知更妙倘
若驚慌則愈難生下。

臨產以進食爲本此時心內憂疑腹內疼痛甚至精神
疲倦口中失味全要美味調養倘不能食雞鴨膾肺
清湯宜頻頻與之宜時食稠膩米粥令勿饑渴以
致乏力更不宜食硬冷難化之物。

產時捏產母中指若中節跳動方是大產之時。

臨產腰痛甚急兒逼產門方可坐草

臨產方藥

紫酒 治孕婦腰痛如折

黑料豆貳合 白酒壹碗 煎至末分空心服如不善

飲酒者水煎服服藥後畧飲酒壹貳口以助藥力

保產無憂方

川芎參分 白芍壹錢伍分 黃芪壹錢 歸身貳錢

羌活陸分 枳殼柒分 厚朴伍分 香附壹錢

兔絲子酒炒 蘇梗 荊芥穗各壹錢 加砂

仁末伍分炒 大棗貳枚 煎服 懷胎至六個月每

月卽用貳參劑至彌月候加川貝貳錢去心研臨產時加

人參錢許如無人參倍用黃芪兔絲子不特易產可免

產後諸病

佛手散 娠六七月後或跌撲傷胎或胎死腹中疼

痛不已口噤昏悶或心腹飽滿血上衝心者服之生

胎卽安死胎卽下又治橫生倒生及產後腹痛發熱

頭疼逐敗血生新血并除諸病

當歸伍錢 川芎空錢 水茱分酒參分煎服

加味芎歸湯 治一應難產及交骨不開其效如神

當歸壹兩 川芎空錢 龜板手大一片醋炙打碎自敗者尤妙 婦人

頭髮

如雞子大一團洗淨燒灰存性

水二碗煎一碗服即生如死

胎即下

龜板滋陰以益腎髮灰補血而消瘀更加

芎歸以調和營衛行而不竄補而不壅服之能令氣

血充足而無阻滯之患保產第一方也

又方

亦名加味芎歸湯

臨盆將產服此最妙屢試屢效

當歸

壹兩

黃芪

伍錢

川芎

益母

各叁錢

枳殼

壹錢

煎水煎服

催生神祚飲

方出濟陰綱目保產機要

因臨盆太早用此

婦人臨產服之活血逐瘀可保萬全不拘橫生倒生

胎爛腹中脹悶及少婦交骨不開用之屢效

生柞枝貳兩洗甘草伍錢水二碗煎一碗服

又方急救交骨不開

少婦初產交骨不開或因臨盆太早用力催逼兒橫

腹內諸藥無效此方百發百中

生柞枝洗益母草各壹兩川芎各伍錢當歸伍錢加

人參叁分水二碗煎一碗溫服產婦須仰臥片時

待藥力到時交骨自開兒身順正然後扶起產母臨

盆脫然而生全不費力矣方用柞枝取其滑澤益

母動血活血芎歸養血調氣人參接養母力更兼安

心靜臥使藥力通達自必脫然而產矣

保胎神效方

依達生編增入

此方保產神效凡

小產之患併無雜症侵擾臨產時服一劑可以無
杜絕血暈血脫血塊無乳等症。

當歸

壹錢伍分

川芎

壹錢叁分

厚朴

柒分

枳殼

陸分

兔絲

捌分

子

貳錢酒洗炒

蘄艾

伍分醋炒

川羌活

伍分

貝母

壹錢去心研

荆芥

捌分

炙黃耆

柒分

白芍

壹錢酒炒

甘草

伍分

水二鐘薑三片煎至八分溫服

醫學心悟云凡新孕婦人胎氣完固腹皮緊窄氣

血裹其胞胎最難轉動此方用撐法焉當歸川芎

白芍養血活血者厚朴去瘀血者也用之撐開血

脈俾惡露不致填塞羌活荆茶疏通太陽將背後

一撐太陽經脈最長太陽治而諸經皆治枳殼疏
通結氣將向前一撐俾胎氣斂抑而無阻滯之虞
艾葉溫暖子宮撐動子宮則胞胎靈動川貝兔絲
最能運胎順產將胎氣全體一撐加黃耆者撐扶
元氣則轉運有力也生薑通神明去穢惡散寒止
嘔撐扶元氣而安胃氣也甘草協和諸藥俾其左
右咸宜全其撐法之神者也臨產先服一二劑自
然易生或遇橫生倒產甚至連日不生速服一二
劑應手取效

千金不易牡丹方

治產後十三症

依達生編增

當歸 叁錢

川芎 壹錢伍分

生地黄 壹錢伍分

澤蘭葉 壹錢伍分

香附

壹錢伍分 醋炒

延胡索 壹錢伍分

益母草 壹錢伍分

產婦冒風加防風

壹錢伍分

天麻 壹錢伍分

血暈加五靈脂

壹錢 醋炒

芥穗 壹錢 炒黑

三四朝發熱

加炮薑 壹錢 炒黑

人參 壹錢

黃耆 壹錢

心膈迷悶加陳皮

壹錢

枳殼 壹錢

砂仁 壹錢

血崩加地榆

壹錢

黑山梔 壹錢

丹皮 壹錢

咳嗽加杏仁

壹錢

桑皮 壹錢

桔梗 壹錢

死血不行腹硬加紅花

壹錢

枳實 壹錢

桃仁 壹錢

飲食不進加山查 壹錢
麥芽 壹錢

脾胃作脹加白朮 壹錢
蒼朮 壹錢
茯苓 壹錢
厚朴 壹

錢陳皮 壹錢
砂仁 壹錢
枳殼 壹錢

心神恍惚加茯苓 壹錢
遠志 壹錢

胎衣不下加朴硝 叁錢

血暈味在銀訊

盜賊冒風紙封風

香

千金不具

千金不具

催生神驗方

里婦坐草三日不生。人事昏憤。忽遇異

人授以此方。卽如法服之。出戶未久。俄聞兒啼。則已生矣。婦醒詢曰。我憤中不知以何物灌我。甫入腹。便覺一夾板推兒下。亦不甚困苦。予屢以此授人。百發百中。服者勿疑。

茱萸花

七茱萸花開時摘下。夾書本中。勿令泄氣。臨時取用。輕者更佳。

芝蔴 一撮

先將茱萸花盛潔淨碗中。次將芝蔴入銅杓內炒

香。用水一茶盃。傾入芝蔴中。煮一二滾。連芝蔴傾

入茱萸花碗中。少蓋片時。浸出花味。與產婦服之。

氣壯者。連芝蔴茱萸花食下。氣弱者。只吃湯亦可。

立時有效未足月者服之傷人慎之

人服此藥後中少益出神效此藥與我藥類之

者用木一茶匙煎入芝蔴中煮一二刻數芝蔴煎

或煎藥藥若如藥信胸中交辨芝蔴人藥味肉似

菜藥於上藥其開和餅不爽清本中已芝蔴一餅

人百發百中則香以錄

鄭野貴一夾避鮮泉不亦不甚困苦年風以批對

曰主矣誠難處曰對貴中不朕以何神新姓諸人

人對以批式明眼去類之出可未入辨問泉制

附書而錄式一里誠坐草三日不主人專為費念故

胎產集要下卷門

增訂達生編論

產後宜忌

發喘

血暈氣脫

中風發瘕

惡露不下

產門不閉

子宮不收

產後不語

狂言譫語

浮腫

霍亂

血虛發熱

乳少

產後方藥

生化湯

牛膝湯

參蘇飲

增損四物湯

清魂散

華陀愈風湯

人參乾姜湯

補中益氣湯

當歸補血湯

補心丸

補脾飲

通脉湯

產後虛汗不止

產後瘧疾

產後痢疾

奇病症治七條

回生丹方論

敗血流經神效方

治產傷產門

女人產後用藥宜忌

產後下卷

鶴湖黃惕齋輯

產後宜忌

小兒出戶扶產人卽以兩手輕抱產母胸前產母亦自
 以兩手緊抱肚臍令胎衣下墜宜以手從心下輕
 輕按摩至臍日三四次使惡露不留
 宜厚鋪裯褥高枕靠墊勿令睡下宜仰臥不宜側睡宜
 豎膝不宜伸足宜閉目靜養切忌大喜大怒亦勿令
 熟睡恐倦極熟睡血氣上壅因而眩暈亦不宜高聲

急叫以致驚恐。神血氣上。整固。而血氣亦不宜。四壁遮圍使無空隙。庶免受風。

房中宜燒舊漆器。或用鐵秤錘燒紅入醋中。或以醋沃炭火上。令醋氣入鼻。以免血暈。且收斂神氣。又能解穢。

或用炒黑山查煎湯。紅沙糖調服。或熱酒童便沖服一杯。不問有痛無痛。有病無病。服生化湯。或佛手散一二劑。以防諸疾。

初產時不可問是男是女。恐因言語而泄氣。或以愛憎。

而動氣皆能致病。倘若連胎生女。此亦人事之常。凡
爲翁姑與丈夫者。只宜好言寬慰。切不可咨嗟歎息。
更將婦抱怨。令其氣苦。未免致病傷生。慎之慎之。

滿月後。方可梳頭洗足。否則手足腰腿必患酸痛等症。
不可獨宿。恐致虛驚。不可刮舌。恐傷心氣。不可刷牙。
恐致血逆。須氣血平復。方可照常理事。

逆有發喘

產後喘急者多死。蓋因營血暴竭。中氣無主。而上竄。故
令喘也。最爲危候。惟大補氣血。十活一二。若惡血冲
肺而喘急者。服參蘇飲之類。血去則喘自定。若感冒

風寒外邪入肺而喘急者必氣粗腹脹或多咳嗽治當疎散兼補爲主

血暈氣脫

或有惡露不行惡血冲心心下滿急神昏口噤不省人事者切勿放倒急與生化湯或佛手散一法用韭菜一把切碎放有嘴瓶內以熱醋一大盞灌入紮口以瓶嘴向鼻遠遠薰之

或有平素虛弱臨產復用力勞傷去血過多亦致昏暈不醒微虛者少頃卽甦大虛者脫竭卽死但察其面白眼閉口開自汗手足厥冷六脉微極是氣脫症也

生死判於頃刻，切勿放倒。令一人挽住頭髮，急與大劑芎歸參附等回其陽。或增損四物湯煎濃，徐徐灌之。但得下咽，即可救活。若認作血暈，而以行血藥投之，益速其斃。

若氣血虛弱，又感風邪，忽然昏暈，不知人者，清魂散最佳。

子方生下，母卽昏暈不省。此時藥不及備，遲則不救。急用紬絹舊衣，謹閉產戶，令知事婦女，曲膝抵住，勿使下面氣洩。又令人一手挽住髮，一手摺住口，勿使上面氣洩。俟其稍轉，方用湯藥。

中風發瘕

產後為風邪所中，角弓反張，口噤不開，名曰蓐風。用藥不得大發汗，并忌轉瀉吐利，必死無疑。華陀愈風散最妙。

若臨產努逼勞傷，陽氣陽氣虧極，無以養筋，為風邪所感，以致牙關緊閉，四肢瘕強，或腰背反張，肢體抽搐，名曰瘕症。當大補氣血，畧兼驅風之品，如荆芥、蔓荊、一二味，若專治風邪，誤矣。

惡露不下

產後惡露不下，或腹有宿冷，或復感新寒，血得寒則壅

滯不行其症或腹痛往來寒熱或小腹痛引腰脊生
化湯最妙佛手散亦可若惡露淋瀝不絕因腹中敗
血不盡也治法倣此。

產門不閉

產畢產門不閉乃氣血虛也服加味芎歸湯總以大補
氣血爲主。

子宮不收

臨產坐草太早勞力努嘔致陰下脫若脫肛狀及陰挺
出逼迫腫痛舉重房勞卽便復發清水流注小便淋
瀉宜人參乾姜湯或補中益氣湯加醋炒白芍外以

五味子爲末泡湯洗又用藥敷之。一法以猪大腸
勛許煎湯下五倍子末伍錢用細軟綿片溫洗頻頻
托上。一法用血竭伍分人參叁分藥珠壹分冰片
貳厘共研末摻之

產後不語

母素虛弱臨產勞傷以致血氣上壅心竅心開竅於舌
竅閉則舌本強矣故令不語宜葶歸湯加石菖蒲之
類。

狂言譎語

產後語言顛倒如見鬼神者其源不一一則心虛中風

精神恍惚言語錯亂宜芎歸合華陀愈風湯二則敗
血迷亂心經顛狂悶暈同血暈治法三則感冒風寒
惡露不行增寒發熱如瘧晝日明了暮則譫語如見
鬼神宜芎歸湯加驅風寒藥一二味四則產傷氣血
心氣大虛以致心神驚悸不寧時見鬼神言語顛倒
宜芎歸湯吞補心丸得臥卽安

浮腫

產後敗血停積以致營衛阻滯運行失度面目四肢浮
腫宜芎歸湯加髮灰荆芥牛膝瞿麥之類血行則腫
自消若作水氣治產後旣虛又以藥虛之是謂重虛

多致厥枉。凡水氣必發嗽。小便數若小便如常不發嗽。但覺手足寒。乃氣血塞而不通也。若因氣血虛而腫者。又當調補。

霍亂

產後勞傷氣血。脾胃虛弱。或多食煎炒厚味。不能運化。又或風寒外侵。陰陽隔絕。輕則上吐下瀉。重則遍體轉筋。腹痛手足厥冷。命在頃刻。急用芎歸湯加入人參白朮炙草乾姜之類。以溫其中。

血虛發熱

不論正產與小產。數日後忽然渾身大熱。面紅眼赤。口

大渴欲飲涼水晝夜不息此血虛之症宜用當歸補血湯以補其血若認作傷寒而用石膏芩連等寒涼之藥則誤矣

乳少

乳少者血虛之故產時去血過多或產前有病以及貧苦之家僕婢下人產後失於調養血脉枯槁又或年至四十血氣漸衰皆能無乳但服通脉湯自能有乳若用穿山甲王不留行等物勉強催逼乳汁清薄令兒不壽且損傷氣血產後多病不久便乾反爲不美惟壯健婦人痰氣壅盛乳滯不來者畧用疎利之藥

一婦乳汁不通已十餘日遇有人送赤豆壹斗煮粥食之當夜乳脉即通

乳汁乃血氣所化產後不可多食鹽不獨少乳且發嗽也

產後方藥

生化湯 治產後兒枕痛及惡露不行腹痛等症

當歸

伍錢

川芎

壹錢

桃仁

米粒去皮尖雙仁者研

炮姜

叁分

甘草

伍分

水煎溫服

產後本屬血虛然陰亡則

陽孤氣亦受病如太補則氣血易滯若失調則諸邪易襲此方去瘀生新扶陽益血行中有補化中有生

初產後服一二劑可免後患。

牛膝湯 胞衣不出臍腹堅脹急痛危在旦夕服此胞

即爛下并下死胎。

牛膝 瞿麥 各叁錢 當歸 伍錢 通草 滑石 各壹錢 伍分 研

葵子 壹錢 水煎服

參蘇飲 治產後血入於肺面黑發喘欲死

人參 壹錢 蘇木 貳錢 水煎服

增損四物湯 治產後下血過多血暈

當歸 叁錢 川芎 白芍 酒炒 人參 各壹錢 炮姜 叁分

甘草 伍分 炙 水煎冲入童便一小盃温服

清魂散 治產後氣血虛弱外感風邪昏暈不省

當歸貳錢

川芎伍分

人參壹錢

甘草叁分

荆芥

荆分 炒黑

為末酒調溫服煎湯亦可

氣血虛弱故以

芎歸補其血參甘補其氣外感風邪故又以荆芥疎

其風

華陀愈風散 治產後中風口噤手足抽掣及角弓反

張或血暈不省人事四肢強直或心頭倒築吐瀉欲

死 荆芥穗

去梗焙乾為末

每服叁錢童便調下口噤則

挑牙灌之或將荆芥以童便煎灌入鼻中其效如神

人參乾姜湯

治子宮下脫

人參

另煎冲

白芍

酒炒

山藥

各壹錢

歸身

貳錢

炮姜

甘草

各伍分炙

水煎服

參甘炮姜以補氣歸身白

芍以補血血氣充足子宮自收山藥益腎強陰故以

為佐

補中益氣湯

黃芪

壹錢伍分蜜炙

人參

另煎冲

甘草

各壹錢炙

白朮

土炒

陳皮

歸身

各伍分

升麻

柴胡

各叁分

加姜棗煎

表虛者多汗升麻用蜜水炒

當歸補血湯

大補陰血治血虛發熱如神

黃芪

壹兩

當歸

伍錢

水煎服立愈

補心丸

黃芪

蜜炙

棗仁

遠志

去木甘草湯泡焙

茯苓

各貳錢

生

地

伍錢

人參

壹錢

菖蒲

柒分

其為細末大棗和丸硃

砂為衣

補脬飲

治婦人臨產損破脬胞小便不禁

黃絲絹

天生黃者參尺用炭灰淋汁煮爛以清水漂潔淨

黃蠟

伍錢

白蜜

壹兩

馬屁勃

茅根

各貳錢

水貳盞煎至壹盞空心

服 服時須斂氣不得作聲如作聲無效

通脉湯

治乳少或無乳

生黃芪

壹兩

當歸

伍錢

白芷

壹錢

通草

貳錢

用七孔

猪蹄一對煮湯吹去浮油煎藥一大碗服之以被覆面而睡卽有乳或未效再一服無不通矣。新產無乳者不用猪蹄。只用水酒各半煎服體壯者加好紅花三五分以消惡露。

產後虛汗不止。乃因陰虛又遇風邪發為此症用黃

芪湯

黃芪蜜炙

熟地各叁錢

白朮土炒

茯苓各壹錢伍分

牡

蠣粉壹錢

防風柒分

麥冬貳錢去心

紅棗貳枚水煎温

服

產後瘧疾

台產集要

下卷

九

柴胡伍分

當歸

白芍

酒炒

白朮

各貳錢 土炒

茯苓

壹錢

伍分

甘草

叁分

川芎

青皮

各壹錢 炒

姜一片水煎服

產後痢疾

當歸

貳錢

白朮

土炒

陳皮

川芎

各壹錢

白芍

酒炒

查炭

各壹錢 伍分

香附

叁錢 炒

甘草

叁分

砂仁

炒去衣研

木香

乾姜

各伍分

水煎服

產後奇病症治

一婦產子舌不能收周子固以硃砂敷其舌仍命作產

子狀令兩人掖之乃於壁外潛累破盎墜地作碎聲

婦聞其聲舌即收矣

一婦產後兩乳或長細如腸垂過小腹痛不可忍名曰乳懸將川芎當歸各一觔以半觔剉散入瓦器內用水濃煎不拘多少頻服復以半觔切塊於房內燒烟令婦將口鼻吸烟如或未愈再製一料更以葶麻子肉壹粒研碎塗其頂心俟愈急將葶麻洗去

一婦產後用力產戶垂出肉線長三四尺觸之痛引心腹遇一道人令買老姜三觔連皮搗爛入麻油貳觔拌勻炒乾先以熟絹五尺摺作方結令人輕輕盛起肉線使之屈曲分作三團納入產戶再以絹袋盛姜就近薰之冷則更換薰一日夜收入大半二日收盡

但肉線切不可斷斷則不可治矣

一婦產後忽生蟲一對長寸餘置地能行以後月生一

對用苦參加入去蟲藥為丸服之又生一對埋于土

中過數日發而視之暴大如拳名子母蟲從此絕根

苦參

用米泔浸一宿蒸熟晒乾

一婦產戶下忽有一物如帕有尖約重觔許急用黃芪

白朮升麻各伍分人參當歸各壹錢水煎服三劑而

愈

一婦產後腸癢難忍或以平日所用針線袋或以箭箬

及鏃置所臥褥下勿令產婦及他人知之其癢自止

一婦產後日食黍粥二十餘碗一月後其身冷處有數塊以指按其冷處其冷卽從指下上應於心如是者二年諸治不效以八物湯去地黃加橘紅入姜汁竹瀝一鍾不十劑而冷處皆煖

大抵產後病症有三血虛火動宜補養新血敗血妄行宜祛瘀生新飲食停傷宜消食和胃智者能調必不受累其症變幻有七十二種要當審病察脉方可施治今畧陳數款皆一定之病用一定之藥至若臨時斟酌加減惟貴圓通而無拘執

保產回生丹

柯集菴曰回生丹保產之仙方也臨產服一丸快便殊甚卽有橫逆難產者無不立下但製藥時必先虔心齋戒擇一靜室如法修合發願濟人分文不取陰功莫大於此列方於左

錦紋大黃淨末壹斤每料須用筋半刮去筋皮水洗卽忙取起曬乾磨細秤準大黑

豆皮用豆叁升水浸煨一夜熟透取皮曬乾約陸兩外去豆瀝汁待用蘇木叁兩打碎

河水五碗先浸片元紅花叁兩炒黃色入好酒肆時煎汁叁碗待用碗先浸片時煎叁肆滾

取汁玖筋陳者佳米醋忌貯銅器內

將大黃末壹觔入鐵鍋內下米醋叁觔調和文火

熬之鍋用大耆防其火泛以粗梅條并籊竹鏟多

用人手不住攪之成膏再加醋叁觔熬之又加叁
觔次第加畢然後下黑豆汁叁碗再熬次下蘇木
汁次下紅花汁不住手攪之大黃膏須一日內熬
成以瓦盆盛之有鍋巴亦鏟下晒乾留用

人參貳兩減半亦可研細加入其參必須頂高油熟
每枝重壹錢者愈見其效切勿吝惜轉致誤人

切馬鞭草伍錢桃仁壹兩色者洗去皮尖揀去黑黃
麪油淨白

如麵五靈脂伍錢醋浸一日隔水煮竹筍攪
去粗脚瓦盆盛之微火上烘焙

益母草貳兩夏間自收新
鮮者取葉陰乾乳香貳錢沒藥貳錢熨
斗炙炒

俱要出汗去油

以上七味逐一磨細秤准黑豆皮并鍋巴亦磨細

當歸 壹兩去泥 陳酒洗切 川芎 壹兩 酒洗 細香附 壹兩去毛醋 炒至粉紅色

切 碎 玄胡索 壹兩醋 炒切片 蒼朮 壹兩濃米泔 浸一夜炒 蒲黃 壹兩

隔紙 炒 白茯苓 壹兩 蒸 川牛膝 伍錢 酒洗 甘草 伍錢 炙

地榆 伍錢 酒洗 川羌活 伍錢 薄廣橘紅 伍錢 白芍藥 伍錢

酒洗切 木瓜 叁錢 去穰 青皮 叁錢 去穰 白朮 叁錢 濃

片炒 嫩烏藥 貳兩 伍錢 去皮 良姜 肆錢 廣木香 肆錢 臨

炒 一夜 秋葵子 叁錢 懷生地 壹兩 酒煮 拌炒 砂 山

氣 恐走 苜肉 伍錢 醋 煮焙乾 三稜 去皮 爭伍錢 醋浸 二日 紙裹 稻

右二十三味晒乾每兩約加壹錢以備藥頭耗拆 共磨細末與前味重篩和勻入石臼內先下煉熟

一領白蜜壹觔次下大黃膏共搗千餘杵取起爲大丸
約重貳錢柒捌分計參百陸拾餘丸靜室陰乾須
入二十餘日不可日晒不可火烘乾後重貳錢有零
隨鎔蠟爲殼護之每料蠟用肆觔內加白占伍兩所
謂蠟丸也用時去蠟殼調服其湯各有所宜開列
於左

凡合回生丹藥料寧使有餘逐件如法製就然後秤
准配合各味須加三製淨纔合分兩如桃仁烏藥益
母須加倍逐味揀料刷淨頭脚不用酒者用水少許
洗之

一臨產用參湯服一丸。則分娩全不費力。如無參。用淡
淡炒鹽湯論曰。凡胎已成。子食母血。月足血成。塊謂
之兒枕。將產兒枕先破。血暴其子。故難產。服此丹。逐
去敗血。須臾自生。亦有因氣血虛損難產者。宜多
用人參。

一子死腹中。因產母染熱病所致。用車前子壹錢煎湯
調服壹丸。或貳丸。無不下者。若因血下太早。子死。用
人參車前子各壹錢煎湯服。如無參。用陳酒少許煎
車前湯。

一胎衣不下。用炒鹽少許。泡湯調服壹丸。或貳參丸。卽

一產畢血暈用薄荷湯調服壹丸卽醒

以上四條乃臨產緊要關頭卽有名醫措手不及

起死回生此丹必須預備

一產後三日血氣未定還走五臟奔冲於肝血暈起止

不得眼見黑花以滾水調服卽愈

一產後七日血氣未定因食物與敗血結聚胸中口乾

心悶煩渴滾水下此丹愈

一產後虛羸血入於心肺熱入於脾胃寒熱似瘧實非

瘧也滾水下此丹愈

一產後敗血走注五臟轉滿四肢停留化爲浮腫口渴
四肢覺冷乃血腫非水腫也服此丹愈

一產後敗血熱極中心煩躁言語癲狂非風邪也滾水
服此丹愈

一產後敗血流入心孔閉塞失音用乾菊花叁分桔梗

貳分煎湯調服

一產未滿月悞食酸寒堅硬之物與血相搏流入大腸
不得傳化泄痢膿血用炒山查煎湯調服

一生產時百節開張血入經絡停留日久虛脹酸疼非
濕症也用蘇梗叁分煎湯調服

一產後月中飲食不得應時兼致怒氣餘血流入小腸
閉却水道小便澁結溺血似鷄肝用木通肆分煎湯
調服又或流入大腸閉却肛門大便澁難有瘀血成
塊如鷄肝者用廣皮叁分煎湯調服

一產後惡露未淨飲食寒煖不調以致崩漏形如肝色

潮熱煩悶背膊拘急用白朮叁分廣皮貳分煎湯調服

一產後惡血停於脾胃脹滿嘔吐非翻胃也用陳皮煎
湯服

一產後敗血入五臟六腑并走肌膚四肢面黃口乾鼻
中流血徧身斑點危症也陳酒化服此丹可愈

一產後小便澁大便閉乍寒乍熱如醉如癩滾水調服
以上十三條皆產後敗血爲害也此丹最有奇功
產後一切異症有醫所不識人所未經者但服此
丹或壹丸或貳叁丸無不立效胎前常服此丹
壯氣養胎滋陰順產調和臟腑平理陰陽最爲神
妙室女經閉月水不調諸症並效

如有滑胎病者忌大黃流動胎前切不可服若產後
瘀血有因於寒凝者雖服此丹而瘀血未下大便反
瀉者宜用生化湯加肉桂炮姜爲安

治敗血流經神效方

用三年陳醬茄子一隻拭淨不可落水置碗內取出
醬油沖酒溫服卽患病日久下體潰爛者連服三次
無不愈

治產傷產門

取蚌五炙灰存性鋪於紙坐上立愈

女人產後用藥宜忌

從來女人生產無論正產半產總以逐去惡露爲要惡
露卽是敗血停滯腹中新血遇之亦變爲瘀血故去之
不可不速初用益母草逐去惡露也次用香附子逐去
惡露也後用山查炭逐去惡露也間有惡露難去者必

用桃仁、蒲黃、紅花、蘇木、澤蘭等消瘀之品，務在去之必盡。以杜後患。若使惡露未淨，悞服參芪等味，則惡露因補定而不下。悞服苓連等味，則惡露因寒凝而不下。悞服薑桂等味，則惡露因熱極而驟下。於是乎有血暈、血昇者，有血崩、血脫者，又或有敗血流入經絡，以致潰爛不堪者。推原禍本，只因惡露未淨，貽害無窮，不可復救也。要知女人產後元氣大虛，最難調治，必須避風日慎起居，戒惱怒，節飲食，深悉夫藥有宜忌，切勿妄投，則可以安心靜養，康健倍常。此爲保產第一良方也。

惕齋補

附幼科摘要

兒生不啼名悶臍生
兒生欲絕用艾炙法

斷臍勿使血外泄
裹臍用礬灰法

初生哺甘草生姜法
兒白泡馬牙黃治法

兒臍濕用藥法
臍風撮口法

鐵器致冷法
兒患乳蕈牙疳論

兒兩腮腫硬
忌鼻風吹顙門

初生兩乳捏一把
哺兒乳食不相併

小兒不可過於飽煖
小兒初生嗽口法

初生浴法
藏胞衣法

著舊衣

晒衣

剃頭

養子真訣

小兒稀痘神方

仙傳稀痘丹

小兒節食論

急慢驚風

瘧疾

口疳

蝦蟇瘟

初生脫皮

兩足趾俱向後

達生編保嬰稀痘治驚

福幼編保嬰慢驚治法

幼科摘要附刻

一兒生下不啼因糞門有一膜閉住兒氣故不能出聲
名曰悶臍生以銀簪腳輕輕挑破其膜卽能出聲

一兒初生氣欲絕不能啼者或臨產勞傷胎氣或天時
寒冷所致未可遽斷臍帶急以綿裹抱懷中離胞寸
許用苧皮紮緊將大紙條蘸麻油點火於臍帶上遠
遠薰之使煖氣入臍俟氣回能啼方可剪斷或用蘄
艾灸臍帶上亦可

一將斷臍帶先以手握帶向臍將三四次令胞血貫滿
臍穴離胞寸許絲弦紮緊更以磁鋒割斷勿使臍血

外泄則兒血旺易育

一 裹臍須將臍帶盤作一團用枯礬末摻於帶上以綿紙軟絹裹束日日須要照看勿令兒尿浸濕預防臍風此第一緊要事

一 兒初生宜以生甘草少許沸湯泡用軟絹蘸汁徧拭口中去其穢濁隨用胡桃肉去皮嚼爛以稀紗包如

小棗細兒口中使吮其汁非獨和中且能養臟若母

體素虛小兒清弱者以淡姜湯拭口能除穢惡去胃

寒可免吐瀉之患

一 兒生兩三日看口中上腭如有白泡子卽以銀簪脚

輕輕挑去。將泡內白屑取出。勿令落入喉中。以京墨擦之。如不卽挑。泡老難破。又有馬牙在牙齦處。亦須挑破。取出。以京墨擦之。

一兒臍帶落後。臍不卽乾。用枯礬五分。龍骨冬丹各一分。麝香少許。爲末敷之。或亂髮燒灰研敷。亦妙。如潰爛出血。或水出不止。赤石脂研末敷之。一法以油胭脂作膏藥貼之。立愈。或斷臍之後。爲水濕風寒所侵。因致臍腫面赤。喘急多啼。不乳。卽成臍風。可用蘄艾燒灰填於臍中。若聚唇撮口。眼閉口噤。啼聲如鴉。或聲不能出。或喉痰潮響。或氣息喘急。卽名臍風。

看齒齦上有小泡如粟米狀急以青色軟帛裹指蘸
苦茶擦破待口既開用直白僵蚕去絲及嘴畧烘爲
末蜜調搽口內或以艾灸臍穴甚者發搐舌強面青
腹痛臍邊青黑多不可治凡兒初生七日內若有臍
風小腹必發青筋一道行至肚生兩丫叉若行至心
便不治急以艾圓灸其青筋頭上並兩丫叉盡處青
筋消去便活

凡斷臍不盈尺或束縛不緊或風濕入臍或斷臍用
鐵器致冷氣內侵恒有此患慎之

一兒口中患乳草及牙疳等症不能吃乳急以直僵蚕

三條去絲嘴人中白肆分冰片少許研細擦患處畧
停片刻用絹蘸苦茶洗淨再擦三四次自愈如未愈
用疆蚕三條礪砂血竭人中白青黛各叁分兒茶分
半藥珠冰片各壹分共研極細擦之用絹蘸茶洗淨
再擦無不愈者壹法以馬齒莧根卽醬
板頭瓦上焙乾少
加雄黃研末吹之滿口纏徧延及喉間無從敷藥
者俗名鵝口疳用鵝口水一小鍾作數次服立愈

一兒初生兩腮腫硬有核或在一邊名曰疔腮兒面必
黃鼻端起黑癩啼哭不乳用蜒蚰一條銀硃錢許同
研爛搽腫硬處勿令擦去卽消一法用桑柴灰少許

入雄鷄冠血貳叁滴。再加鹽滴一匙和勻。頻擦患處亦消。

一 小兒同母睡時。切忌鼻風吹兒顙門。恐成風疾。

一 小兒初生兩乳。必有餅子。須時常揉撮捏去乳汁。以散爲度。否則腫硬成毒。如初生洗浴時。卽將兩乳頭各捏一把。便無此患。

一 凡哺兒乳後。不可與食。食後不可與乳。乳食相併。難以尅化。大者成癖。小者成積。

一 小兒初生。湊理未密。宜用舊絮護其背。但不可太煖。致令出汗。恐表虛。易受外邪。乳哺亦不宜過飽。書人

云若要小兒安須帶叁分饑與寒又須令乳母不食
炙燂厚味則乳汁清寧兒不染疾

兒初出胎口中原有污物初啼一聲卽嚙人腹因此多
病且生瘡疾當預備甘草黃連各叁分滾湯泡俟兒
出胎入硃砂末少許令穩婆左手托肩背右手提雙
足令兒倒啼一聲吐出口中污物以綿包指蘸甘草
黃連汁拭口中令淨日後出痘稀少百病俱無小
兒未開乳前用大黃叁分煎湯少許以綿蘸吮之逐
去腸中污血較之黃連甘草湯更妙

浴法 北方生兒多不洗浴但以舊綿拭淨故兒多壯

實又一說天寒嚴冽則不必洗又有三朝洗浴謂之
洗三南方俗尚用益母草或白露日收香苦草煎湯
洗兒不犯生水

藏胎衣 胎衣以清水浴過又以清酒浴之入錢壹文
於衣內盛以新瓶青布裹口待滿月後擇天德月空
之辰於向陽高燥處掘地三尺埋之須堅築勿令有
損俾兒康健不可不慎

著衣 初生時用父母舊衣服裹之一期之內衣服只
宜舊綿帛不宜過煖恐生熱症兒生雙滿月後若遇
晴和天氣令乳母抱兒出見風日則肌膚縝密可耐

風露若厚衣煖被深居密室如陰地草木忽受風霜則不能堪矣。

晒衣 小兒有無辜疾病患啼叫書云天上有飛星惡鳥不可干犯因晒衣蓆未收在外過夜小兒染著戾氣故有此病衣蓆須以醋炭烘之此病卽痊。

剃頭 彌月剃胎髮須就和煖避風處剃後用杏仁叁枚薄荷三葉同研蓆油調和擦兒頭上以護風邪不生瘡癩其後亦然。

養子真訣 初生三四月只與乳吃六個月以後方與稀粥週歲以前切不可吃葷并忌生冷之物若待一

二歲腸胃稍厚畧與葷腥爲妙訣云吃熱莫吃冷吃軟莫吃硬吃少莫吃多遵行日久自然無恙

小兒稀痘神方 屢試屢驗慎勿以平淡忽之

羌活 生地 黃柏酒浸 防風 升麻各伍分 麻黃

甘草 黃連 歸身各叁分 川芎 藁本 柴胡

乾葛 黃芩酒浸 紅花 細辛 丹皮 白朮各貳分

吳茱萸 連翹各半分 藥味逐件秤准每逢立

春立夏立秋立冬日用水二鍾煎八分將細紗一方

覆於碗口露一夜次朝温服一年之內必服四次不

可欠缺永不出痘卽出亦必稀少如一時不能服完

分三三次服亦可。四立是氣血轉關之候。乘此時而驅其胎毒。獲效甚速。

仙傳稀痘丹

葶麻子肆拾玖粒去殼揀肥白者 硃砂伍分 射香伍厘 粽子尖

柴 五月五日午時將四味研爛。搽兒頭頂心、前心、

背心、兩手心、兩手彎、兩腋、兩足心、兩腿彎、共十三處。

約一文錢厚。頭頂不可悞。搽顛門。如兒髮長。分開塗

之。搽過一年者。出痘不過數粒。二年三年者。不出痘。

神效無比。必須正午時為妙。每料只塗一兒。

小兒腸胃甚薄。若粘膩乾硬酸醎辛辣。一切魚肉水菓

小濕麵燒炙煨炒煎燂俱是發熱難化之物皆宜禁絕
婦人畏其啼哭無所不與積成痼疾追悔何及語云
惜兒須惜食慎之慎之

急慢驚風外治法

白胡椒

柴粒

生山梔

柴個

共研細末加入飛麵一撮

用鷄子青調和攤青布上貼於心胸釣出青色即愈
又小兒驚風當手足轉掉時切不可懷抱恐閉塞經
絡病愈後手足或成廢疾謹之慎之

瘧疾外治法

呂祖仙方名一枝梅

巴豆

壹粒

研細飯和為丸硃砂為衣用小膏藥貼印

堂穴起泡即愈

口疳外治法

尖檳榔

錢叁

細香附

錢叁

雄黃

錢壹

共研細末鷄子

青調塗兩足心即愈

蝦蟇瘟外治法

小兒胸腹忽如水晶色臟腑俱見此染蝦蟇瘟也用

大蝦蟇六隻將四足紮起以蝦蟇肚皮在水晶色處

撫摩幾次置於小兒臍上再用第二隻亦如前法更

換六隻其病即痊但蝦蟇眼內有蟾酥須防其迸出

射人宜以絹遮其眼外治畢將蝦蟇放去

初生脫皮

一兒生下遍身無皮因其母受胎以後久處高樓不沾地氣故有此異事也用純黃土研細盛於軟絹袋內在兒身上輕輕撲之俟生皮即止

兩足趾俱向後

一兒初生兩足趾俱向後因其母懷妊時兩足患瘡不能行步日惟盤膝而坐兒在母腹一氣相通形隨氣化故亦如是由此觀之則知胎前調養固不可不慎也

達生編保嬰

小兒疾病甚多惟驚風尤猛有頃刻之危固屬驚熱風痰而成亦由愛惜太過所致今以護嬰作歌

十月嬰兒初孕育

肌膚未實陰未足

正當生下未啼時

口中拭去胎液毒

黃連甘草硃蜜佳

免使斑瘡天死速

五六日間臍未乾

縱然炎熱休頻浴

但將故絮遮其身

下體單寒常露足

見些風日有何妨

月裡頻啼纔是福

胎熱胎毒得以舒

熱氣隨啼無蘊蓄

勿令過愛時懷抱

莫與新棉重被覆

昧者重棉尚恐寒

乳哺不離猶恐哭

但見微風愁感寒

纔聞音響便驚愕

做成疾病不可言

惜兒悞兒多命促

人能依此遵行之

何患無兒不易鞠

劉氏云小兒方纔降生莫令落在地恐賊風衝吹嬰兒故也

凡小兒月內月外兩足紅赤游風流火如足至小腹手

至胸膛多致不救用馬蘭頭不拘多少水洗去泥搗爛

絞汁以雞毛蘸搽燥則再換如頸項腿肋縫中潰爛即

以汁調飛淨六一散搽之即愈。

凡小兒月內月外兩目紅赤澁閉腫爛不開用虹蚓泥搗塗顴門乾則再換二三次即愈。

初生大小便不通腹脹欲絕者急令人以溫水噉口吸唾兒前心後心并臍下手足心共七處以紅赤色爲度即通。

初生小兒兩腮有腫塊不能吮乳者名螻螂子俗名肉老鼠是也用鮮生地壹兩麝香壹分共搗作餅貼兒湧

泉穴即脚底心男左女右自消。又方巴豆一粒分三塊置

膏藥上貼印堂及左右兩顴三處起泡毒洩自愈不可

胎產集要
妄割

初生胎毒燒橄欖核存性研末硃砂

伍分

生芝蔴及口

涎調和安兒口中能解

兒生月餘卽有驚恐名曰胎驚推拿所不能施以犀黃

貳厘

麝香

壹厘

研末用猪乳或人乳調服

小兒瘡癬氣血未足皮膚脆嫩止宜金銀花湯內服外

洗解其瘡毒不可用水銀硫黃信石木鱉之類瘡雖頃

刻可愈而毒氣內攻必成變症

兒能飲食不可任性多食有等愚夫愚婦一見兒哭卽

取物與食以致傷脾泄瀉食疳多至不救醫家有雞肝

散肥兒丸等藥俱治小兒食積之藥並無治小兒餓壞之藥世之求醫治小兒者大半是飲食所傷從無小兒餓壞求醫之人諺云若要小兒安常帶三分飢與寒願為父母者思之

稀痘方

此方傳自蘇州沈竹香家已數世不出天花矣

青橄欖

壹枚

生甘草

壹寸

右水煎間日服服至第五次大便有黑物解下其毒已去再服一二次重者輕輕者不出

黑龍丸

治急驚風極效垂死之兒壹服即瘥

膩粉

壹錢伍分

金墨

飛麪

蘆薈

炙各壹錢

麝香

龍腦

牛黃 青黛 使君子 去殼麩裏煨熟 各伍分

拔驚方 治慢脾風肢體逆冷痰滯咽喉如牽鋸

狀屑黑面青口鼻氣微昏露睛者是

胡椒 丁香 各七粒 生梔子 葱頭 各七個 飛麩 壹撮

右研末用雞蛋白少許調攤青布貼小兒臍上一晝

夜除去有青黑色即愈如未愈再貼一个愈後當服

補脾藥

治急慢驚風

大蝦蟆胆 伍个刺破入碗中 硃砂 壹錢 犀牛黃 壹分 麝香 伍厘

右同入碗內陰乾每服貳分人乳調立效

節抄莊在田福幼編

乳母乳兒最宜節慎。節則調養脾胃。否則脾胃損傷。百病蝟生。夏忌熱乳。冬忌冷乳。皆宜捏去。而後與之。以喜乳與兒。令兒痰喘成驚。以怒乳與兒。令兒疝氣腹脹。以寒乳與兒。則便青而乳不化。以熱乳與兒。則面黃而嘔吐不食。以病乳與兒。則黃瘦骨蒸。虛羸盜汗。以魘乳謂有孕者與兒。則夜啼泄瀉。胸背皆熱。以醉乳與兒。則恍惚多驚。癩如鷓聲。食後不可與乳。乳後不可與食。乳食並進。難於消化。初則成積。久則成癖成疳。故曰。忍三分寒。吃七分飽。多揉腹。少洗澡。吃熱吃軟。吃少則不病。吃冷吃

硬吃多則生病矣。

凡兒臍背下部宜煖頭向心胸宜涼解脫不可當風坐

卧不宜着地。

春天勿與護頂裹足以致陽氣不舒因多發熱等症。

兒生六十日後瞳子成而笑認人切忌生人持抱及見

非常之物若夫愛護太過日捧懷抱不令見風日不令

着地氣以致筋骨柔弱數歲不行偶少失護疾病便生

此皆保育太過不及之咎也嬉戲之物不可聽其恣意

久弄亦能傷腎至刀劍兇器勿令持玩會坐勿令久會

行勿令驟睡卧須有節要令常起早飲食休過美要令

常嫌少夜莫停燈晝莫說鬼睡莫當風坐莫近水笑極

與和哭極與喜哭笑之後莫即與乳

凡兒生後必有變蒸之期變者變生五臟而易其情態
蒸者蒸養六腑而長其骨節其種種現象與病無異若
誤認為疾輕投藥餌或致蒸長之氣俱消無疾而成疾
亦足誤事今列其期於左以備參考

凡三十二日為一變六十四日為一蒸自生下之

日起至三十二日為一變生癸腎臟氣六十四日則

二變一蒸生壬膀胱腑氣九十六日則三變生丁心

手少陰經一百二十八日則四變二蒸生丙小腸腑氣一

百六十日則五變生乙肝臟氣一百九十二日則六

變三蒸生甲胆腑氣二百二十四日則七變生辛

屬足少陽經二百五十六日則八變四蒸生庚大腸腑氣

太陰經二百八十八日則九變生己脾臟氣三百二十日則

十變五蒸生戊胃腑氣屬足陽明經至心包絡為臟

手厥陰經三焦為腑屬手少陽經二者俱

無形象故不變亦不蒸至十變五蒸既足則共三百二十日矣

復有三大蒸焉

六十四日為一變蒸積至一百九十二日為一大變

蒸歷三大變蒸後其五百七十六日變蒸方定寸脈

乃生可以眡

凡變始自一日以至七日上唇中心必有白珠泡子

子形如魚目身熱而耳與尻冷若身與耳尻皆熱者則又兼犯他症其變兼蒸者必上唇微腫如卧蚕類自始得之一日至十三日方無所苦

其三大蒸者七日之內有病但數呵其顙門俱不宜輕遽服藥然亦有不驚不熱者無他症者是受胎壯實而暗變也

辨痘法

小孩發熱五指稍及中指冷是痘疹

中指熱是傷寒

看耳法

耳後紅筋痘必輕紫筋起處重沉沉兼青帶黑尤難治

用藥精詳也得生

附採莊在田慈幼編治慢驚風心得神方

慢驚之症緣小兒吐瀉得之爲最多或久瘧久痢或痘後疹後或因風寒飲食積滯過用攻伐傷脾或秉賦本虛或誤服涼藥或因急驚而用藥攻降太甚或失于調理皆致此症其症神昏氣喘或大熱不退眼開驚搐或乍寒乍熱或三陽晦昏或面色淡白青黃或大小便清白或口脣雖開裂出血而口中氣冷或瀉利水泔或完穀不化或四肢冰冷並至腹中氣響猴內痰鳴角弓反張目光昏暗此虛症也亦危症也俗謂之天吊風虛風慢

驚風慢脾風皆此症也。若再用涼藥再行消導，或用胆星抱龍以除痰，或用天麻全蝎以驅風，或用知柏黃連以清火，或用巴豆大黃以去積，殺人如反掌，甚可畏也。若治風而風無可治，治驚而驚亦無可治，此實因脾腎虛寒，孤陽外越，元氣無根，陰寒至極，風之所由動也。治宜先用辛熱，再加溫補，蓋補土所以敵木，治本卽所以治標。凡小兒一經吐瀉交作，卽是最危之症。若其屢作不止，無論痘後疹後病後不拘何因，皆當急用參朮以救胃氣，姜桂參熟等藥以救腎氣，不惟傷食當急救之，卽傷寒傷暑亦當急救之。蓋其先雖有寒暑實邪，一經

吐瀉業已全除脾胃空虛倉廩空乏若不急救恐虛痰
上湧命在頃刻庸醫誤指爲熱爲食投以清火去積涼
藥立時告變爲之奈何與其失之寒涼斷難生活不若
失之溫補猶可救療今將慢驚辨症臚列於後

一慢驚吐瀉脾胃虛寒也

一慢驚身冷陽氣抑遏不出也

誤服涼藥往往致此

一慢驚鼻孔煽動真陰失守虛火爍肺也

一慢驚面色青黃及白氣血兩虛也

一慢驚口鼻中氣冷中寒也

一慢驚大小便清白腎與大腸全無火也

一慢驚昏睡露睛神氣不足也

一慢驚手足抽掣血不行於四肢也

一慢驚角弓反張血虛筋急也

一慢驚乍熱乍涼陰血虛少陰陽錯亂也

一慢驚汗出如洗陽虛而表不固也

一慢驚手足瘈瘲血不足以養筋也

一慢驚顙門下陷虛至極也

一慢驚身雖發熱口唇焦裂出血却不喜飲食冷茶水

進以寒涼愈增危篤及所吐之乳所瀉之物皆不甚

消化脾胃無火可知唇之焦黑乃真陰之不足也

大抵因發熱不退及吐瀉而成者總屬陰虛陽越必
成慢驚並非感冒風寒發熱可比故不宜發散治宜
培元救本加薑桂以引火歸源必先用辛熱沖開寒
痰再進溫補方爲得法經驗二方列後

逐寒蕩驚湯

此方藥性溫煖耑治小兒氣體本虛或

久病不愈或痘後疹後或悞服寒涼泄瀉嘔吐轉爲
慢驚清熱散風愈治愈危速宜服此能開寒痰寬胸
膈止嘔吐蕩驚邪回元氣於無何有之鄉一二劑後
嘔吐漸止卽其驗也認明但係虛寒卽宜服之

胡椒

壹錢

炮薑

壹錢

肉桂

壹錢

丁香

拾粒

右四味研為細末以灶心土三兩煮水澄極清煎藥
大半茶杯頻灌之接服後方定見奇效。

加味理中地黃湯 此方助氣補血却病回陽端治小
兒精神已虧氣血大壞形狀狼狽瘦弱至極皆可挽
回如法濃煎頻頻與服參天救本之功難可盡述

熟地 伍錢

當歸 貳錢

萸肉 壹錢

枸杞 貳錢

棗仁 貳錢炒

肉桂 壹錢

故紙 貳錢

炙芪 貳錢

白朮 叁錢

炮薑 壹錢

黨參 貳錢

炙甘草 壹錢

加生薑叁片紅棗叁枚胡桃

貳箇打碎

為引仍用灶心土

貳兩煮水煎藥取濃汁一茶杯加附子五分煮水攪

入量兒大小分數次灌之如咳嗽不止加葶藶壹錢

金櫻子壹錢如大熱不退加白芍壹錢泄瀉不止加

煎丁香六分只服一劑即去附子止用丁香七粒隔二三

日只用附子二三分蓋因附子太熱中病即宜去之

也如用附子太多則小便閉塞不出如不用附子則

沉寒臟腑固結不開如不用丁香則泄瀉不止若小

兒虛寒至極附子又不妨用至一二錢神而明之存

乎其人用者審之此方乃救陰固本之要藥治小兒

慢驚稱為神劑若小兒吐瀉不至已甚或微見驚搐

胃中尚可愛藥喫乳便利者不必服逐寒蕩奮易只

服此藥一劑而風定神清矣。如小兒尙未成驚，不過昏睡發熱不退，或時熱時止，或日間安靜，夜間發熱，以及午後發熱等症，總屬陰虛，均宜服之。若新病壯實之小兒，眼紅口渴者，乃實火之症，方所宜行清解，但果係實火，必大便閉結，氣壯聲洪，且喜飲冷茶水。若吐瀉交作，則非實火可知。此方補造化所不足，實有回生起死之神功。倘大虛之後，服一劑無效，必大劑多服爲妙。

廣之姐靈燈

其回主跡派之輒以論大靈之靈照一隙無效必大
 善折斷交者頃其實火即收此式飾靈山也不至氣
 財其射實火必火財閉緣緣此釋其且喜道命其亦
 實之小兒姐靈口即赤以實火之靈一
 以又千劍靈靈靈靈靈靈靈靈靈靈靈靈靈靈靈靈靈
 習勤靈靈不感靈靈靈靈靈靈靈靈靈靈靈靈靈靈靈靈
 則此藥一隙而靈靈靈靈靈靈靈靈靈靈靈靈靈靈靈靈

重刊捐貲姓氏

會明瑟君靜

捐英洋各貳元

西渠屋

捐錢伍千文

蔣石楓

捐本洋貳元

歸君亮

捐錢貳千文

管少溪

捐本洋貳元

陸懋修

捐票貳千文

管鏡仁

捐本洋壹元

瞿秋亭

捐錢貳千文

周靜卿

捐本洋壹元

潘幼南

捐票壹千文

仲卿和

捐本洋壹元

方恂卿

捐錢壹千文

姚湘漁

捐錢壹千文

夏秉齋

捐票壹千文

龐雲槎

捐錢壹千文

李玉洲

捐票壹千文

葉敏齋

捐錢壹千文

邵曼如

捐票壹千文

桑硯華 捐票壹千文

陶慢雲 捐票壹千文

陳君脩 捐票柒百念

李簡廷 捐錢伍百文

曹小卿 捐英洋壹元

夏秉齋 捐票壹千文

以上共捐洋拾貳元

內英洋叁元 捐錢壹千念

計核共捐錢叁拾捌千肆百拾 捐票壹千文

付刻資其核錢叁拾叁千零伍拾 捐錢壹千文

管刻費餘錢伍千叁百陸拾文 林印送捌拾部千文

李蓉村印送六十部元 捐錢壹千文

王雅琴印送念部 西果堂 捐錢壹千文

屈吉人印送拾部

常熟縣南街跨塘橋北
首毛文彬齋刻字局鐫